

Espainiako Poliziak ETak mehatxatutakoak amu gisa erabiltzen dituela dio Arzalluzek

«Gomez Elosegiren inguruan ibili ziren eta ez zuten hilketa oztopatu»

Xabier Arzalluzen arabera, ez da egia kontraintzaintzak beste segurtasun hesi bat ematen diela ustezko mehatxatuei. Burukide jeltzaleak mehatxatuak amu gisa erabili izana egotzi zien Estatuko segurtasun indarrei, pertsonak babestu ordeztasotzailea harrapatzerat jotzen dutelako. Bestalde, Mayor Orejak ETarekin kontakturik ez izatea gaitzetsi zuen.

Iñaki Uriarte / Bilbo

MEHATXATUTAKOAK amu gisa erabili izana egotzi zion Xabier Arzalluzek Espainiako Poliziari. «Hemen saltzen dena da ETak mehatxatutako jendeari poliziarren babes bikoitza jartzan zaiola, eta ez da hori, hori garnataren teknika da. Polizia asko dago herri honetan zertan aritu ez dakitenak, eta beren zeregin antiterroristan begiratzen dute pertsona bat amua izan daitekeen eta atzetik dagoen bigilantzia edo atentatu saiorki».

Bere hitzak indartzeko, burukide jeltzaleak Gomez Elosegi espetxe funtzionarioaren aurkako atentatua jarri zuen adibidetzat. «Orduan kartzela zaindaria ETak mehatxatuta zeuden, eta polizia batzuk ibili ziren ikusten zer gertatzen zen Gomez Elosegiren inguruan, Gomez Elosegi hil zuten eta haiek ez zuten horretarako oztoporik jarri, eta gero Elejalde harrapatu zuten; hori da teknika. Igoal Madrildik esango dizute hori dela teknika, beren kompetentzia dela eta ez dela Ertzaintzak dituen kompetentziak urratzea», esan zuen Arzalluzek.

Burukide jeltzalearen ustez, jokabide hori arriskutsua da, eta Bilbon ertzainek eta guardia zibilek elkarren kontra izandako tiroketa jarri zuen adibide. «Hori da dagoen deskoordinazioaren ezagutgarri bat: Ertzaintzak ez daki beste poliziek zer egiten duten. Hori beren artean konpondu behar dute, horrela ezin daiteke eta ibili», gaineratu zuen.



Xabier Arzalluz eta Joseba Egibar atzo Sabin Etxean eskainitako prentsurrekoan.

MIKELATS

EAJren Batzar Nazionalen tarte bat hartu zuten Xabier Arzalluz eta Joseba Egibarrek egoera politikoko gaiez jeltzaleek duten ikuspegia azaltzeko. Rafael Verak arestian eginiko deklarazioak mahairatu zituen Xabier Arzalluzek, eta esan arazoa aspaldikoa dela.

«Ados Gobernuaren politika antiterroristarekin» • «Jakina da gu gobernuarekin erabat ados gaudela planteamendu antiterroristan, hau da, Ajuria Eneko Mahaia eta beste». Ezadostasunak irtenbideetan daudela esan zuen. «Ez gaude ados terapiarekin, hau da, nola konpondu ara-

zoa; guk ez dugu eskatzen gauza bitxirik, guk eskatzen duguna da nolanbaiteko interes eta mugimendua izatea. Guk ez dugu eskatzen ETarekin negoziazio mahaia izatea».

Herenegun auzkeztu zuten Ermuko Foroak (Ermuko Faroa deitu zion Arzalluzek) negoziazio politikorik ez izateko eskatzea Ajuria Eneko Mahaia esaten duena besterik ez dela berretsi zuen. Hala eta guzti, Erresuma Batua eta Irlandako gobernuen jarrera gogokoagoa duela berretsi zuen. «Porrot egiten badute ere, behintzat saiatu egin dira, Gobernu sozialista behin eta berriz saiatu zen bezala». Bat egin zuen Madrillgo egunkari bateko irudigile baten bineta batean ikusitakoarekin: «Denok dakigu egunen batean negoziazio mahai bat izango dela, denok dakigu egunen batean presoak kartzelatik irtengo direla, denok dakigu, baina inor ez...». Mayorrek kontaktuak izan behar dituela esan zuen. «Nik ez dut uste Mayorrek kontakturik duenik; izango balitu, lehenengo poztu eta gero isilduko nintzateke», esan zuen Arzalluzek. X

Presoak hurbiltzearen alde eta batzearen aurka

EUSKAL presoek gaia Europako Kontseiluko Giza Eskubideen Batzordera eramatea oso normala dela azaldu zuen Arzalluzek, eta hainbat gai hara eramatea gero eta gehiago ohikoagoa izango dela. Hala eta guztiz, presoen duen ikuspegia ENAMek eta HBk dutena ez dela argitu zuen. «Guk eskubideen aldetik baino gehiago gizarik ikuspegitik aztertzen dugu. Egutero etortzen zaizkigu familiak, oso-oso larriturik. 550 presoek milaka pertsona dituzte inguruan, sofritzen».

Burukide jeltzalearen arabera, sakabanaketa ez da presoek eskubideen kontrakoa, baina urruntzea bai. «EAJn hurbiltzeaz hitz egiten dugu, eta Eusko Legebiltzarrak Mayor Oreja jaunari aurkeztutako planaren arabera, 12 edo 13 kartzelatan izan daiteke, ez gara batzea planteatzen ari». «Esetxe legedia begiratu, ez dago hemen ez inon arau bat diona era bateko preso guztiak espetxe bakar batean egoteko eskubide dutela», gaineratu zuen Arzalluzek.

Konstituzionaleko lehendakariaren ustez, «astakeria juridikoa» da Europara jotzea

■ Omenaldia egin zioten Tomas y Valienteri

Efe / Madril

ESPAINIAKO espetxe politika Europako erakundeetan salatzea «astakeria juridikoa eta irresponsabilitate politikoa» da, Auzitegi Konstituzionaleko lehendakaria Alvaro Rodriguez Bereijoren ustez. Francisco Tomas y Valienteri egin zioten omenaldian egin zituen adierazpen horiek Bereijok.

«Salaketa hori egitea ETari doan eskaintzea da nazioarteko foroetan lortzen saiatu dena, hau da, bere borroka politikoa eta humanitarioa dela adieraztea. Eta, guztiz kontrakoa da», esan zuen.

Francisco Tomas y Valiente, Konstituzionaleko lehendakari izan zena, duela bi urte hil zuen ETak. Atzo Madrillgo El Pardo hilerrian omenaldia egin zioten, Auzitegi Konstituzionalak antolatuta. Magistratu eta buruzagi sozialistekin batera, Tomas y Valienteren hiru seme izan ziren.

Rodriguez Bereijok hitzaldi labur bat egin zuen Tomas y Valiente zena goratzeko. Hilketa harek, eta ETaren beste guztiek ere, erakunde armatuaren kontrako «tinkotasuna» indartzeko balio behar dutela esan zuen Bereijok, eta batasuna eskatu zuen.

Gero kazetarien aurrean adierazi zuenez, «askotan guk geuk egiten ditugun akatsak ETaren aldeko armak bihurtzeko dira, eta herritar gisa nazkatuta gaude». Akats horiek berriki egin direla esan zuen Bereijok, eta horietako bat euskal presoek gaian Eusko Jaurilaritzako Giza Eskubideen Batzordea Europako Kontseilura jotzea dela.

«Arrazoi bidezkoa izanik ere, Europako Kontseilura joatea juridikoki astakeria iruditzen zait, eta haiek ere badakite hori», esan zuen erabaki hori onetsi duten euskal alderdi politikoei buruz. X

BILBAO 13/22 FEBRERO 1998

DE 12 A 21 HORAS - VENTA DIRECTA AL PÚBLICO

ANTIQUARIOS

ACÉRQUESE A LA FERIA. POR AMOR AL ARTE.

FERIA INTERNACIONAL DE BILBAO BILBOKO NAZIOARTEKO ERAKUSTAZOKA

Apdo. 468 - BILBAO (España) - Tels. (94) 439 60 66 - 439 62 63 - Telefax (94) 442 42 22 - www.feniain-bilbao.es